

長樂陳修園著

傷寒真方謬括

遠安堂匪板

同治七年冬 錄

陳修園先生晚餘
式書

傷寒真方歌括
傷寒醫訣串解
十藥神書註解

三山林氏校刊

序

醫王仲景在矣六經之理至
傷寒論盡矣自宋景濂學士
割為紀全書之說而後之注
是考者任意刪移如杼臆說

刀圭家苦無遠從吾閩陳

脩園前輩精於醫理嘗取

景傷寒揭其旨要分經辨證

各立方例間有未盡明者復

詳注其所以然之妙未錄
魏念

庭先生跋語以殿之顏曰真方
歌括讀此果得其解是亦衛生
之一助也美友引伸觸類不泥
於法而亦不背於法神而明之
則存乎其人矣

時

咸彥已未重陽前百後學林

壽壹謹序

傷寒真方歌括卷一

閩長樂陳念祖修園著

冷南林壽萱校

太陽上篇方法

太陽為寒水之經。主一身之膚表。邪之初傷。必自太陽經始。論云。太陽為病。脈浮。頭項強痛。惡寒。統傷寒中風而言也。傷寒詳見中篇

茲請先別中風之病。論云。太陽病發熱。汗出。惡風。脈浮。緩。或見鼻鳴。乾嘔者。為中風病。主以桂枝湯。服湯啜粥。

得熱熱微似汗則愈。若服桂枝湯。大汗出不解。所以然者。以風邪得微汗則除。得大汗反不除。病不去。則變浮緩之脈。而爲洪大。仍用桂枝湯。取微似汗則愈。倘若不愈。則病如瘧狀。日再發。邪淺欲散宜桂枝二麻黃一湯。撤其餘邪。則全愈矣。○前症是汗後餘邪未盡。以小劑爲緩汗法。此症是過經不解。不可不汗。故制此湯以急汗之。不可太汗。故制小劑。以小汗之人。知大劑急汗之法。而不知小劑亦有急汗之法也。○若太陽病得之八九日。頭痛項強。雖日久而未去。熱多寒少。往來如膏。而頭

本論云一日是邪淺而欲衰。面上反有熱色。身癢必得

少汗而全愈。宜桂枝麻黃各半湯主之。○桂枝症而兼

喘者。宜桂枝加厚朴杏仁湯主之。○若燒針針處核起

因驚而發奔豚者。宜炙其核。以桂枝加桂湯主之。○若

奔豚症欲作未作。其悸只在臍下者。宜茯苓桂枝甘草

大棗湯主之。○若悸在心下。又手冒心者。因發汗過多

所致。宜桂枝甘草湯主之。○若候汗遂漏不止。惡風小

便難。四肢拘急者。宜桂枝加附子湯主之。○若桂枝症

誤下之後。胸滿者。是陰邪盛于陽位。恐芍藥附和陰氣

傷

宜桂枝去芍藥湯急散之。若兼惡寒者恐薑桂力微宜桂枝去芍藥加仔子湯以溫散之。○若汗後陽虛陰氣凝聚身痛者以桂枝新加湯行其陽氣。○又有太陽傳入本腑症。發熱六七日不解。煩渴飲水水入卽吐。小便不利者宜五苓散表裏兩解之。又有太陽裏症而表邪具在下後。心下滿。小便不利者宜桂枝去桂加茯苓白朮湯。利水則表邪自化。此皆大陽症虛邪之方法也。

桂枝湯

發熱自汗是傷風。桂枝生姜芍棗逢。頭痛項強浮緩脈。

必須稀粥合成功

芍藥桂枝生薑

各三錢

炙草

三錢

大棗

四枚

水煎溫服

須臾啜稀粥。溫覆取微似汗。○此方最切於時用。中風汗自出者用之。服麻黃湯復煩者用之。下後脈仍浮者用之。氣冲利不止者用之。陰症厥浮爲欲愈亦用之。桂草辛甘化陽。助太陽融會肌氣。芍草若甘養陰。啟少陰奠安營血。薑活桂枝行陽。棗佐芍藥行陰。此方本不發汗。藉熱粥之力。充胃氣以達於肺。合風邪從皮毛而解。不傷氣血爲諸方之冠。

時醫以桂枝湯麻黃湯。地非北方。時非冬月。戒不敢用。以羌獨蒼芎荆防代之。而不知此等藥更燥烈害人。也。桂枝湯以桂枝為君。色赤。入心生血。得芍藥之苦以和之。為陰陽調和之劑。麻黃湯以麻黃為君。比物輕清走表。絕無辛烈之味。悍濁之氣。又佐之桂枝入心化液。杏仁入肺降氣。甘草安肉攘外。不加薑之上行。棗之留中。逕走肌表。不傷津液。觀蒼芎羌獨之類。孰和平。孰峻烈耶。

桂枝二麻黃一湯

汗出不徹邪還襲如瘧頻來時翕翕桂枝湯二麻黃
表後脉洪藉此輯。

桂枝 一錢三分 芍藥 生薑 各一錢 炙草 七分 麻黃 七分 杏仁 十六箇

大棗 一枚 先煮麻黃去沫後入諸藥溫服○此是麻黃

症只用桂枝湯汗不徹之故故又作此湯再解其肌微

解其表此又桂枝後更用麻黃法也○按柯韻伯云麻

黃湯桂枝湯兩方各煎聽用如各半湯則各取其半而

合服之此湯則取桂枝湯二分麻黃湯一分合而服之

猶水陸之師各有節制兩軍相為表裏異道夾攻之義

身異真方次告

也。後人等其分兩，合爲一方。與葛根青龍輩何異。

桂枝麻黃各半湯

面熱身癢感雖輕。小汗輕施。顧衛營。麻杏桂薑芍棗草。

減之各半定方名。

桂枝 一錢二分。芍藥 生薑炙草麻黃 各八分。杏仁 七枚。

大棗 二枚半。先煎麻黃去沫。入諸藥煎溫服。此方原

小劑。治欲退之餘邪。活人借用之。以代解肌諸方。

桂枝加厚朴杏仁湯

桂枝厚朴杏仁湯。諸喘皆須。疎利方。誤下。前或置月也。

去邪下氣本相當

即桂枝湯加厚朴炙一錢五分杏仁十四枚○論云喘家作

桂枝湯加厚枚杏仁主之○言本然之喘也○又云太陽症

下之微喘者表未解也○此湯主之○言誤下之喘也○

桂枝加附子湯 照桂枝湯加附子 一錢

桂枝加桂湯 照桂枝湯加桂 三錢

太陽誤下遂拘急湯本桂枝加附入更有核起作奔豚

桂枝加桂湯宜察各遂漏症乃汗多脫液陽虛之候此方固陽即所以止汗止汗即所以救

液○此桂枝加附子湯歌也○又加桂枝者取味重則能

達下也。○此桂枝加桂湯歌也。

茯苓桂枝甘草大棗湯

欲作奔豚臍下悸。八錢茯苓桂枝四。二廿四棗水甘瀾。

直伐腎邪安內志。

茯苓 八錢。桂枝 四錢。甘草 二錢。大棗 四枚。取水揚三五

百遍。名甘瀾水。用甘瀾水三杯。先煮茯苓至二杯。入諸

藥煮七分。溫服。○此方安腎以鎮水。使水不凌心。補脾

以制水。使水不泛溢。

桂枝甘草湯

人手胃心因過汗。心下悸動欲得按桂枝。炙甘草。合辛甘。飲液安心固汗漫。

桂枝 四錢。炙草 二錢。水煎服。○辛從甘化。陽中有陰。故

能補陽以止汗。生心液而定悸。

桂枝去芍藥湯。○卽桂枝湯去芍藥。○誤下後胸滿。是陰邪盛於陽位。用此湯急散之。不用芍藥者。恐其寒性下行。領陰邪入於腹中。而爲腹滿等症也。桂枝去芍藥加附子湯。○卽前方加附子一錢。惡寒爲陰氣凝聚。恐薑桂力薄。故加附子。○按此

卽下篇桂枝附子湯方也。但分兩不同。主治遂別。而方名亦因以異耳。

桂枝去芍因胸滿。脈促令平。舒上腕。若稍惡寒。陽內弱。速加附子不容緩。

按喻嘉言謂陽邪盛於陽位。故胸滿脈促。不知陽邪胸滿。多兼喘汗等症。已有葛根黃芩黃連湯法。今但云胸滿是陰氣凝聚。減去芍藥。意在急散。若微惡寒者。又加附子以助薑桂之力。其汲汲於扶陽可見。若

云脈促爲陽不知陽盛於上則促陰盛於內逼陽於外亦促也或問桂枝人參湯症與此曷別曰風爲陽邪邪傷於外不曉解散而數下之則病之熱邪盡陷於下焦藥之寒性反留於心下熱陷下焦斯爲協熱之利不止寒留心下斯爲陰盛之心下痞故以理中湯理其中氣以升陽降陰如兵法擊其中而首尾應也若此症中下二焦無病只宣上焦之陽則撥雲見日不必多所審顧也

桂枝加芍藥生薑人參新加湯

修身聖方

汗餘身痛脉沉遲痛本陰凝氣不支薑芍人參三味入

桂枝湯舊化新奇

桂枝人參 各三錢

芍藥生薑

各四錢

炙草 二錢

大棗 三枚

水二杯半煎八分温服餘同桂枝湯法○沉遲陰脉也

陰凝則痛藉入參以助薑桂芍之力俾通而不痛也喻

嘉言謂為餘邪未盡益未嘗於脉沉遲三字諦審耳

五苓散

不解而煩熱且渴澤苓桂朮猪苓末積水留垢藉此行

澤瀉

一兩
六銖

猪苓茯苓白朮各十八銖

桂枝

半兩

共爲末

本方重在內煩外熱。用桂枝小發汗以解表。不是助四
苓以利水。其用四苓是行其積水留垢。不是疏通水道。
○以白飲和服。方寸七。今用三錢。日三服。多飲煖水。汗
出愈。○多飲煖水。使水精四布。上滋心肺。外達皮毛。溱
溱汗出。表裏之煩熱兩除矣。白飲和服。卽飲粥之微義
也。○按此湯與桂枝去桂。加茯苓白朮湯。及猪苓湯。細細
分別。方知仲景用藥之妙。○桂枝色赤入內。四苓色白
歸辛。丙辛合爲水運。用之爲散。散於胸中。必先上焦如

霧然後下焦如瀆何有煩渴癰閉之患哉

桂枝去桂加茯苓白朮湯

桂枝服後或又下心滿發熱強痛怕甘苓白朮棗芍薑

表裏邪白小便化

茯苓白芍生薑白朮

各三錢

大棗三枚

炙草二錢

水煎

漚服小便利則愈○此治太陽裏症俾膀胱水利而表

裏之邪悉除五苓散末云多服煖水出汗愈意重在發

汗故用桂枝此方末云小便利則愈意重在利水故去

桂枝且既去桂枝乃以芍藥

症仍在。但不在太陽之經。而在太陽之府。因變其解肌之法。而爲利水。水利則滿減。熱除而頭項強痛亦愈矣。仲景因心下滿。加白朮。今人以白朮壅滿。大悖聖訓矣。

太陽中篇方法

證同上篇。唯身痛骨節疼痛。惡寒無汗而喘。脈陰陽俱緊。名曰傷寒。宜麻黃湯以汗之。○若無汗而煩躁。脈浮緊。宜大青龍湯以涼散之。若有汗。必不可用。若脈沉。是少陰症。更忌此湯。○若煩躁而欬。欬逆而小便不利。是挾水氣。宜小青龍湯以發汗利水。○若證同傷寒。初

起便不惡寒但惡熱大渴是溫熱病宜麻杏甘石湯以
涼散之。○若麻黃症悉具而尺脈弱者不可遽汗宜先
補而後汗之。○若脈沉弱不可發汗熱多寒少宜桂枝
二越脾一湯以小汗之。○若無汗而瘀熱發黃宜麻黃
連乾赤小豆湯發越以疏利之。○若太陽病不解熱結
膀胱其人如狂名自入本腑症既經外解而小腹急結
者宜桃仁承氣湯攻之。其人發狂小便自利小腹便溏
大便黑宜抵當湯或丸峻攻之。此太陽實邪之方法也。

麻黃湯

太陽脉緊喘無汗。身痛腰疼必惡寒。麻黃爲君甘杏佐。
邪從汗散一時安。
麻黃三錢。桂枝二錢。炙草一錢。杏仁二十三枚。水二杯。
半先煮麻黃至杯半。去沫入諸藥同煎。至八分溫服。覆
取微似汗。不須啜粥。內經云寒淫於內。治以甘熱。佐
以半苦。此方得之。

大青龍湯

浮緊惡寒兼發熱。身疼煩燥汗難徹。麻黃桂杏甘棗薑。
石膏助勢青龍刷。

麻黃 六錢 桂枝 炙草 各二錢 杏仁 十三枚 生薑 三錢

大棗 四枚 石膏 四錢 先煮麻黃去沫後入諸藥煎溫服

取微似汗汗多者以溫粉撲之○柯韻伯云治症同麻

黃湯但有喘與煩燥之別喘是寒鬱其氣升降不得自

如故多用杏仁之苦以降氣煩燥是熱傷其氣無津不

能作汗故特加石膏之甘以生液然又恐况寒太甚內

煩既除外寒不解變為寒中協熱下利故倍麻黃以散

表又倍甘草以和中更用薑棗以調營衛一汗而表裏

武湯救之。○溫粉。卽白朮。藁本。川芎。白芷。爲末。米粉和。撲之。

小青龍湯

素常有飲外邪。湊麻桂。細辛。薑。夏。佑。五味。收金。甘。芍。和。青龍。小用。翻江走。

麻黃。芍。藥。乾。薑。炙。草。桂。枝。各二錢。半夏一錢五分。五味

細辛各一錢。先煮麻黃去沫。後入諸藥煎服。○此方不

大。汗。而。長。於。利。才。如。山。澤。小。龍。不。能。奮。鬣。登。天。只。乘。雷。雨。而。直。奔。滄。海。也。

加減法。○若微利者。去麻黃加葶花。今以茯苓代之。
更穩。○若渴者。去半夏加栝樓根二錢。○若噎者。去
麻黃加泡附子一錢。噎卽泥也。○若小便不利。小腹
滿。加茯苓三錢。○喘者。去麻黃加杏仁十三枚。
麻黃杏仁甘草石膏湯

麻黃杏仁石膏草外散內涼喘汗好。從來溫病有良方。
宜向風寒外搜討。

麻黃 四錢。杏仁 十六枚。炙草 二錢。石膏 八錢。先煮麻黃。

小建中湯

二三日內煩而悸。尺遲營虛。又須記。桂枝倍芍。加飴糖。湯名建中。溫補。治。

卽桂枝湯。倍芍。芍入飴糖。烱服。嘔者不可用。以甜故也。○此陰陽平補之神方。

桂枝二越脾一湯

熱多寒少。脉微弱。多治熱。分寒治暑。芍桂麻膏甘棗羌。

桂枝越脾善裁度。

桂枝。白芍。麻黃。生羌。炙草。各一錢七分。

石膏二錢。大棗。

二枚
水先煮麻黃去沫。內諸藥同煎。溫服。○按既用麻黃。又云不可發汗。示不可大發其汗。比上小發汗之方更輕。

麻黃連翹赤小豆湯

瘀熱在裏。黃遂發。漆泄之中。兼疏越。麻翹甘豆杏梓皮。更加羌棗莫恍惚。

麻黃連翹生羌炙草 各二錢。赤小豆 三錢。大棗 三枚。生

梓白皮 二錢。如無茵陳代之。以潦水二杯半。先煮麻黃

至二。不去查。入諸藥煎。入小豆。及棗。久煮。令豆熟。湯成。去滓。分三服。溫服。下利。勿服。多飲水。下利。勿服。多飲水。

桃仁承氣湯

寒本傷營多蓄血。桃仁承氣滌邪熱。硝黃甘草桂枝宜。

識語如狂斯切切。

桃仁

十六粒去皮尖

大黃

四錢

甘草桂枝

各二錢

水煎去渣入

硝磺

二錢

煎微沸溫服。

○桃仁直達血所。桂枝分解外

邪。即抵當症之輕者。

抵當丸

水蛭

熬

蠭虻

去翅足各七個

大黃

三錢酒洗

桃仁

十二枚去皮尖

研末為丸。水一杯。煮取七分服。

昨時當下血。不下血再服。○活人云。水蛭必用石灰

炒過再熬。方不害人。

抵當湯。水蛭、蟅虫各十二個。大黃三錢。桃仁七個。

熬製照上方。水一杯半。煮七分。溫服。不下再服。

脉見沉微。証發狂熱。癰小腹痛。而膨。抵當兩劑。分平峻。蠱。蛭。桃仁。共大黃。○抵者。抵之窠穴也。當者。當其重任也。○蛭者。水蛭之善飲血也。○蠱者。陸血之善飲血也。水陸並攻。同氣相求。更佐桃仁之推。陳致新。大黃之蕩。滌熱邪。故名抵當也。

太陽下篇方法。此方專論兼症。辨其同中之異。

論云傷寒八九日風濕相搏身體痛不能轉側宜桂枝
附子湯若其人大便鞭小便自利者去桂加朮主之
若煩疼深入骨節之間四肢掣痛近之則痛劇汗出氣
短小便不利惡風不欲去衣身或微腫者宜甘草附子
湯溫經散溫○若桂枝症悉具唯小便數脚攣急迥殊
反與桂枝湯攻表得之便厥咽中乾煩燥吐逆祚甘草
乾羌湯與之以復其陽若厥愈足溫者更作芍藥甘草
湯主之其脚即伸謔語者與調胃承氣湯微和其胃氣
若重發汗復加燒針者四逆湯主之以四逆湯中羌附

同陽。重甘草以生血故也。

桂枝附子湯。

此風勝於濕之主方。

桂枝 四錢

附子生羌

各三錢

炙草 二錢

大棗 三枚

水煎服。

虛弱家及產婦附子只用一錢五分至二錢。

桂枝附子去桂加白朮湯。

此濕勝風之主方。

即前方去桂枝加白朮四錢。初服其人身如痺。

半日許服之三服盡其人如冒狀勿怪此以朮附

並走皮肉中逐水氣未得除故使之耳。法當加桂

枝 四錢。活人續云其大便噎小便自利故不加桂

也

桂枝附子羌甘棗身體疼痛風濕掃小便自利大便堅
去桂加朮潤枯燥論云傷寒八九日風濕相搏身體
疼痛不能自轉側不嘔不渴脈浮虛而澹者與桂枝附
子湯主之○若其人大便硬小便自利者去桂加白朮
湯主之○風者天之陽邪也故以桂枝化風爲主濕者
地之陰邪也故以白朮燥濕爲主○此卽桂枝去芍藥
加附子湯也但彼方只用桂枝三錢附子一錢以治下
後脈促胸滿之症此方桂枝又加一錢附子又加二錢

以治風濕身疼。脈浮而瀼之症。一方面治病迫殊。方名亦異。只以分兩多少為分別。後人何得以古方而輕為加減也。

甘草附子湯

桂枝 甘草 化表風 附子 白朮 驅裏濕 甘草 冠此三味前 義取緩行勿迫急

甘草 炙 附子 炮 白朮 各二錢 桂枝 四錢 水二杯 煎一杯

溫服得微汗則解 若大汗出風去而見

法處方有法，卽方名中藥品之先後亦寓以法，所以讀書當於無字處着神也。

甘草乾羌湯 炙甘草 四錢 炮羌 二錢 水煎服

芍藥甘草湯 芍藥 炙草 各四錢 水煎服

吐逆煩燥又咽乾，甘草乾羌服卽安，厥愈足溫，攣仍舊。

更行芍草一方，餐。上二句甘草乾羌湯，辛甘以復其

陽，則厥愈足溫。下二句芍藥甘草湯，苦甘以復其陰，則

攣急愈而脚伸矣。

調胃承氣湯見陽明。 四逆湯見少陰。

太陽救誤變症方法

太陽症脉弱有汗及少陰症誤服大青龍湯筋惕肉瞤○
汗出亡陽者用真武湯以救之○吐下後氣衝而眩或
大汗後身振振者宜茯苓桂枝白朮甘草湯○服發汗
藥汗出而渴者五苓散主之○汗出而不渴者茯苓甘草
湯主之○發汗後反惡寒因汗多而亡陽也惡寒而厥
宜四逆湯惡寒而不厥宜芍藥甘草附子湯若陽盛於
內誤服桂枝湯汗出而煩甚者宜白虎加人參湯

身寒脉浮以火迫則亡陽也

龍骨牡蠣湯。○火逆下之。因燒針煩燥。宜桂枝甘草湯。
骨牡蠣湯。○太陽外証未除。而數下之。遂協熱而利。利
不止。心下痞鞭。表裏不解。宜桂枝人參湯。○又有陽氣
太重。雖服表藥。不能作汗。宜少與調胃承氣下之。則汗
出而解矣。本論云。傷寒不大便六七日。頭痛有熱者。宜
認胃承氣湯是也。○太陽誤下。而傷其上焦之陽。陽氣
既傷。則風寒之邪乘虛而入。上結於胸。而硬痛不按。而
自痛者。宜大陷胸湯。按而始痛者。宜小陷胸湯。○有表
邪未解。而未盡之邪。則爲水飲。心下痞鞭滿。引脇下痛。

乾嘔氣短汗出不惡寒者以十棗湯主之。○又有誤用
 冷水溼灌以致肉上粟起意欲飲水反不渴者宜文蛤
 散。○寒實結胸宜三物白散。○結胸者結於胸前也。痞
 者心下滿塞不舒也。陽症心下痞餘處無汗唯心下有
 汗按之沾濡於手。厥關上浮者以大黃黃連瀉心湯主
 之。○若惡寒已罷因痞而復惡寒初無汗出因痞而反
 汗出是寒熱相搏而成痞以附子瀉心湯主之。如汗雖
 出而水氣未散以致心下痞鞭乾噫食臭脇下有水氣
 腹中雷鳴下利者以生薑瀉心湯主之。○又有

本論云如結胸狀。飲食如故。時時下利。寸脈浮。關小。細沉緊。名曰臙結。舌上白胎滑者。難治。此以小沉細緊。知陰寒之甚也。見之關部者。以關部居上下二焦之界。下為臙結。上似結胸。其脈獨困於中也。舌上白胎滑者。非丹田有熱。是寒水之氣。浸浸乎透入心陽矣。魏念庭云。人知仲師辨結胸非臙結為論。不知仲師言外之意。正謂臙結與痞相類。而與結胸實不同。蓋結胸者陽邪也。痞與臙結陰邪也。痞則尚有陽浮於上。臙結則上下俱無陽矣。是皆謬吐誤下。誤汗之流毒也。仲師無方法大

傷寒論卷之九

抵以四逆湯治之。如客邪不散。可用桂枝湯。然客邪豈能自散。則亦內陽生而逐之使散矣。○又有發汗之後。虛邪入腹作脹者。以厚朴生薑半夏人參湯主之。○又有下利後。心下痞服瀉心湯已復。以他藥下之。利不止。醫以理中與之。利益甚。赤石脂禹餘糧湯主之。○復利不上者。當利小便。○傷寒汗吐下後。心下痞。噫氣不除者。旋覆代赭石湯主之。○此太陽救誤及變症方法也。○調胃承氣湯以前是救誤。調胃承氣湯以下是變症。

真武湯見少陰症

茯苓桂枝白朮甘草湯

吐下氣衝眩陣陣沉緊

脈候也

發汗身振振

搖動也

症類真

武更輕些。苓桂朮甘湯急進。

茯苓

四錢

桂枝白朮炙草

各二錢

水煎

朮草和胃脾以運津液。苓桂利膀胱以布氣化。

五苓散

見太陽上篇

茯苓甘草湯

甘草茯苓羌桂枝。悸而汗出兩厭施。

五苓症曷

五苓散症口

必渴

茲無渴者

辨症分明用勿疑

茯苓桂枝炙甘草 各二錢 生姜 三錢 水煎服。

徐靈胎云此方治發汗後汗出不止則亡陽在即當與真武湯其稍輕者當與茯苓桂枝白朮甘草湯更輕者則與此湯何以知之以三方同用茯苓知之蓋汗大洩必引腎水上泛非茯苓不能鎮之故真武則佐以回陽附子此方則佐以桂枝甘草斂汗而茯苓皆以為主藥此方之義不了然乎

四逆湯見上

芍藥甘草附子湯

陽氣素虛宜建中。遽行發汗惡寒衝。回陽附子補陰芍。

甘草和諧營衛通。

芍藥炙草各三錢。附子二錢。水煎服。未發汗而發熱。

惡寒宜汗之。既汗而表症仍在者宜再汗之。今發汗後。

反惡寒。此因汗而亡陽惡寒也。然亡氣中之陽用四逆。

湯。亡血中之陽用此湯。惡寒而厥宜四逆湯。惡寒而。

不厥宜此湯。

白虎湯 石膏八錢。知母三錢。炙草一錢。粳米四錢。

水二杯。煮米熟湯成。大約一杯。溫服。

白虎加人參湯 卽前方加人參一錢五分

白虎知甘米石膏陽明大渴汗涸涸。自汗則熱甚於經非石膏不治。加

參補氣生津液熱逼亡陽此最高

誤服桂枝湯汗亡不止大煩渴脉洪者以此救之

徐靈胎云亡陽之症有二下焦之陽虛飛越於外而

欲上洩則用參附等藥以回之中焦之陽盛湧奔於

外而欲二瀉則用石膏以降之同一亡陽而治法迥

殊細審之否則死生立判

桂枝去芍藥加蜀漆牡蠣龍骨救逆湯

人劫驚狂卧不安。亡陽散亂浮脉看。牡龍蜀漆生羌入。

桂草相和救逆丹。卽桂枝湯去芍藥。加蜀漆一錢。牡

蠣四錢。龍骨三錢。先煮蜀漆。後入諸藥煎溫服。

此與少陰汗出之亡陽迥別。蓋少陰之亡陽亡其

腎中之陽。故以真武四逆輩以回之。今乃以火逼

汗亡其心中之陽。故用安神之品以鎮之。又與陽

盛誤服桂枝湯之亡陽大異。陽明火盛一乘桂枝

之熱。迅奔於外。大汗不止。是亡其胃中之陽。故用

石膏以滋之。

桂枝甘草龍骨牡蠣湯

桂枝主外龍牡內

桂枝散內入之火使出於外龍牡返透越之神使守其中炙草調

和內外配火逆下之本不堪燒針煩燥更堪耐

桂枝 一錢

炙草 二錢

牡蠣龍骨 各三錢

水煎服

龍牡重滯之質得桂枝而始神其用

桂枝人參湯

外証未除數下之理中湯內桂枝施誤攻致利兼心痞

補散合成內托奇

桂枝炙草 各二錢

白朮人參 各一錢

半先煮四味。取一杯半去渣。入桂枝煮入分服。

桂枝獨後煮。欲其於治裏藥中。越出於表以散其

邪也。

調胃承氣湯見陽明

大陷胸湯

短氣燥煩邪上結。大黃甘遂芒硝泄陽邪下。早陷胸中。

蕩滌苦寒內除熱。

大黃二錢。芒硝一錢。甘遂末三分。水一杯。先煮大黃至

六分。去渣入芒硝煮一二沸內甘遂末。服得快利勿再

服。○與承氣湯有上下之殊。

大陷胸丸

陷邪迫處於心胸。俯則難寬勢欲昂。葶藶大黃硝杏合。

別尋蜜遂煮丸攻。

大黃

四錢

葶藶子

熬

芒硝杏仁

各一錢五分

搗為丸如

彈子大。每用一丸。入甘遂末三分。白蜜半匙。水一杯。煮半杯。溫服。一宿乃下。如不下。更服。以下為度。

小陷胸湯

不按自痛大結胸。小結脈浮安治痛。實直

痰沸驅除膈內空。

黃連

一錢

半夏

二錢

括蕒實三錢

水二杯

先煮括蕒實

至一杯餘入二味再煮至七分服微下黃涎止後服

大承氣所下者燥屎大陷胸所下者蓄水此方所下者

黃涎。涎者輕於蓄水而未成水也。審病之精用藥之切

如此

十棗湯

胸脇滿痛徒乾嘔。水飲結搏成巨藪。甘遂芫花大戟末

十棗湯調涎痰否。

芫花熬 甘遂 大戟 各等分 異篩秤末合和之 水二杯

先煮大棗十枚。至七分去渣滓。內葯末。強人服八九分。

弱人服五六分。平口溫服。若下少病不除。明日更服加

三分。利後糜粥自食。峻葯不可輕用。

文蛤散。即文蛤一味為散。以沸湯和服二錢。

此方取其生於海中。殼能軟堅。利皮膚之水。內能

滋陰。止胸中之煩。不過指示其意。非治病之方也。

金匱有文蛤湯。方用文蛤、麻黃、石膏、杏仁、甘草、生

羌、大棗七味。柯韻伯採補。確有奇效。

文蛤散原只一味變散爲湯七物彙麻杏甘石羌棗加
金匱採來誠足貴

三物白散

方名白散用三竒桔梗相兼貝母宜巴豆熬成白飲下
胸前寒實一時離

桔梗貝母各四錢二分。巴豆一錢二分去心熬黑。餘各

爲末。以白飲和服八分。羸者減之。病在膈上必吐。病在
膈下必利。不利進熱粥一杯。利不止進冷粥一杯。

大黃黃連瀉心湯

汗下倒施邪遂痞黃連加入大黃裡取汁只用麻沸湯
氣味輕清存妙裡。

大黃 二錢

黃連 一錢

以麻沸湯漬之須臾絞去滓溫服。

此方治虛痞每令人疑曰仲景使人疑慮正是妙
處以麻沸湯取汁去滓僅得其無形之氣不重其
有形之味是取其氣味具薄不大瀉下雖日攻痞
而攻之之妙義無窮也。

附子瀉心湯

氣痞惡寒兼汗出三黃加入附子吉回陽瀉痞不用方。

始識長沙法度密。

大黃

二錢酒浸

黃連黃芩

俱炒各一錢

附子

一錢另煮取汁

以麻沸湯漬三黃須臾去滓取汁內附子汁合和溫服。

此法更精。附子用煎三味用泡扶陽欲其熟而性重。

開痞欲其生而性輕也。

生羌瀉心湯

腹內雷鳴心下痞。生羌苓半乾羌美黃連甘草棗同煎。

輔正人參功莫比。

生羌 二錢 炙草人參黃芩 各一錢五分 半夏 一錢 大棗

乾羌黃連 各五分 水煎

按韻伯云。治痞不外瀉。心湯正氣奪則為虛痞。在

太陽以生羌為君者。以汗雖出而水氣猶未散。故

微寓解肌之意也。在陽明以甘草為君者。以妄下

胃虛致痞。故倍甘草以建中。而緩客邪之上逆也。

在少陽以半夏為君者。以半夏最能升清降濁。變

柴胡半表之治。推少陽半裏之意。邪氣盛則為實

痞。陽明心下痞。餘處無汗。唯心下有汗。按之沾濡

寒已罷。因痞而復惡寒。初無汗出。因痞而反汗出。

是寒熱相搏而成痞。以附子瀉心湯主之。

厚朴生羌甘草半夏人參湯。

發汗之後實邪戢。腹猶脹滿。虛邪入。厚朴生羌草夏參。

除脹補虛各安輯。

厚朴生羌 各四錢。炙草 二錢。半夏 一錢五分。人參 五分。

水煎服。

汗後邪氣已去而猶脹滿者。乃虛邪入腹。故以厚

朴除滿。餘葯補虛助胃。

赤石脂禹餘糧湯

利在下焦防滑脫。餘糧石脂兩相暹。理中未效此方奇。未止還從小便達。

赤石脂禹餘糧 各二兩六錢。水三杯半煎一杯服。日三

服。

此利在下焦。非理中湯所能治。二石皆土之精氣所結。治下焦之標。實以培中宮之本也。要知此症土虛。而火不虛。故不宜於溫補。若濕甚而虛不甚者。宜從

小便利之。

凡草藟皆稟乙木之氣。土虛之甚者畏之。此方以土補土。得同氣相求之義。又有爐底補塞之功。

旋覆代瀕石湯

旋覆代瀕湯。甘草。半夏。人參。羌。與。棗。心胸痞滿噎不除。借用膈噎亦能好。

旋覆花 一錢五分。人參 一錢。生羌 二錢五分。半夏 一錢。

炙草 一錢五分。代瀕石 五分。大棗 二枚。水煎服。日三服。

此治大邪解後。而心下痞鞭之方。其不用瀉心者。以心下無寒熱之互結。故不用芩連乾羌之辛苦。

只用鹹降之。旋覆佐諸藥以補虛散痞下逆。期於
中病而止也。

傷寒真方歌括卷一終

傷寒真方歌括卷二

閩長樂陳念祖修園著

治南林壽萱校訂

陽明上篇方法

邪初傳陽明。兼見頭痛惡寒。是太陽表症未罷。自汗脈

緩。宜桂枝湯。項背几几者。几昔殊。几几者。鳥飛羽短伸

得舒之甚。以陽明主宗筋筋強硬短縮之象也。桂枝加葛根湯主之。無汗脈浮

宜麻黃湯。項背几几者。葛根湯主之。或兼見下利。若不

下利而嘔。宜葛根加半夏湯主之。若誤下。脈促利不止。

喘而汗出。宜葛根連芩湯主之。

有陽明中風兼見寒熱往來。脈弦大胸滿及面目悉黃。小便難。潮熱時噦。與小柴胡湯。如脈雙弦心下硬。與大柴胡湯。

如太陽之邪已罷。悉傳陽明。虛煩虛熱。咽乾口燥。舌上白胎。腹滿煩燥。懊濃不得安卧。以梔子豉等湯吐之。急除胃外之熱。不使胃家之實。此以吐法爲陽明解表之法也。如邪傳陽明如前。而大渴大熱。大汗脈洪而長。爲陽明經之本症。以白虎湯。白虎加人參湯主之。陽明症煩熱不卧。小便不利。宜豬苓湯。

過多。小便不利者不可用。此陽明病在經之方法也。

桂枝加葛根湯

太陽合病項几几汗出傷風桂葛茹羌棗芍甘不啜粥。

陽明纏見即攻驪。

葛根 四錢 桂枝芍藥生羌 各二錢 炙草 一錢五分 大棗

三枚。先煎葛根去沫。後入諸藥同煎。服覆微似汗不須

啜粥。按此即桂枝症漸深。將及陽明。故加葛根以斷

其前路。仍用桂枝以截其後路。尚書云去疾莫如盡。此

方得之。

葛根湯

太陽項背病凡几。桂葛麻黃因汗無。炙草棗羌監制用。陽明合病亦何虞。

葛根 四錢。麻黃 三錢。芍藥 二錢。生羌 二錢。炙草 桂枝 各

二錢。大棗 四枚。先煮麻黃葛根去沫。入諸藥煎服。不須

啜粥。此太陽將入陽明。若下利。則為太陽與陽明合

病。蓋以風邪入胃。主下利也。

桂枝葛根湯。治將入陽明之有汗。此治將入陽明之無

汗。

葛根加半夏湯

合病應利不利。驗之於嘔。還分類。葛根湯內半夏加

開闔失机升降治。即前方加半夏二錢

葛根湯升劑也。半夏芍藥降劑也。太陽陽明兩經皆

病開闔失机。故以升降法治之。

葛根黃芩黃連湯

誤下脉促利不止。外邪內陷熱傳裏。葛根甘草並芩連

提出太陽喘汗已。

葛根 四錢
炙草黃芩 各一錢
黃連 一錢五分
先煮葛根

去沫。後入諸葯同煎服。

小柴胡湯

大柴胡湯

俱見少陽

梔子豉湯

治後

汗吐下之後

虛煩不得眠

虛為正氣虛。煩為邪氣擾。異於建中症。無熱之虛煩。懊

懣

心不安

反覆

身不安

實堪憐

山梔香豉煎溫服。胸腹餘邪

一切蠲

梔子

五七枚

香豉

四錢

先煮梔子。後入香豉。煮服。得吐

止後服。

梔子苦能涌。世寒能撈。熱能象。小者入。小者入。小者入。

腎煩燥不寧。是心腎之病。故以苦寒之梔子得豆豉之
腐氣作吐。凡一切煩燥懊懣之結於心腹者。一吐而具
解矣。

梔子甘草豉湯

卽梔豉湯加炙草二錢

煎服法
同上

梔子生羌豉湯

卽梔豉湯加生羌五錢

煎服法
同上

無物爲嘔。有物爲吐。欲止其嘔。反令其吐。吐之而
嘔反止。眞匪夷所思也。

外邪內陷。熱傷風。梔豉湯中甘草二。嘔逆去草用生羌。
羌能散逆精神粹。

梔子厚朴枳實湯

腹滿心煩卧不安正虛邪熾上中搏苦寒梔子快胸膈

枳實能消厚朴寬

厚朴 羌汁炙四錢

枳實 二錢

梔子 五六枚

水煎服

梔子乾羌湯

誤下陰陽兩受傷乾羌梔子合成湯苦能泄熱解煩滿

幸以驅寒並復陽

梔子 五枚

乾羌 三錢五分

水煎服得吐止後服

梔子孽皮湯

身黃。梔子、蘘皮湯。苦藉甘和甘草。良熱達膚間勢外出。散邪滲濕兩無妨。

梔子 六七枚。蘘皮 二錢。甘草 一錢。水煎服。

附梔子湯解

按柯韻伯云。明陽表症。不特發熱惡熱。目痛鼻乾等症。一切虛煩。咽乾口燥。舌胎腹滿。煩燥懊懣。不得卧。凡在胃之外者。悉是陽明表症。仲景製汗劑。是開太陽表邪之出路。製梔子湯吐劑。是引陽明表邪之出路。但使心腹之濁邪。上出於口。一吐而心腹得舒。表

裏之煩熱悉除矣。熱傷氣者。少加甘草以益氣。虛熱相搏者。多嘔。加生羌以散邪。若下後而心腹滿。起臥不安。是熱已入胃。便不當吐。故去香豉。加枳朴以泄滿。合枳子兩解心腹之妙。又小承氣之輕劑也。若以九蔞下之。身熱不去。知表未解也。心下結痛。知寒留於中也。故任梔子之苦以除熱。倍乾羌之辛以逐寒。然非吐不能以達表。故用此以探吐之。此又寒熱並用。爲和中解表之劑矣。內外熱熾。肌肉發黃。必須苦甘之劑以調之。蘗皮甘草。色黃而潤。助梔子以除內

煩外熱。形色之病。仍假形色以通之。此皆用梔豉加減。以禦陽明表症之變幻也。韻伯此論誠千古之特見。學者宜熟讀之。

白虎湯 白虎加人參湯 俱見上太陽救誤篇

猪苓湯

少陰不眠。煩嘔逆。陽明熱渴。微微水小便赤。利水葯中寓。

育陰。阿膠猪苓澤滑石。

猪苓 去皮 茯苓澤瀉滑石阿膠 各一錢 水二杯煎一杯

去滓。入膠烱化溫服。

此與五苓散有天淵之別。彼治太陽入本。太陽同
寒水。故以桂溫之。此治陽明少陰結熱。二經兩關
津液。故以甘涼之藥滋之。二症若汗多胃燥。卽此
方亦不可與。恐利水傷其液津也。

陽明中篇

有太陽陽明因汗吐下利小便亡津液。胃中乾燥。大陽
之和。乘胃燥而轉屬陽明。致小便數大便鞭。論謂爲脾
約。以麻仁丸主之。
有少陽陽明病已到少陽。法當和解。而反發汗利小便。

亡其津液。胃中燥熱。轉屬陽明。以致大便燥結。論謂大便難。以蜜煎猪膽汁導之。有正陽陽明。陽氣素盛。或有宿食。太陽之邪。一傳陽明。遂入胃腑。致大便不通。論謂實。以三承氣湯。隨輕重下之。此陽明病在腑之方法也。

麻仁丸

素常脾約感風寒。須用麻仁潤下丸。杏芍大黃兼枳朴。脾陰得潤胃腸寬。

麻仁 二兩
芍藥 枳實 各五錢
大黃 厚朴 杏仁 各一兩
煉

蜜丸如梧桐子大飲服十九漸加以知爲度

脾燥宜用緩法以遂脾欲○非比胃實當急下也○

蜜煎導方 蜜一杯於銅器內微火煎凝如飴狀

取紙撚作挺子以線札之外以蜜厚包之如指許
長二寸微熱納穀道中以手急抱欲大便時乃去
之 時法醮些皂角末

猪膽汁方 猪膽一枚和醋少許以竹管灌入穀

道中如一食頃當大便出宿食惡物甚效

津液內澗不宜攻○須得欲便以法通○蜜主潤腸膽泄熱

兩方引導有神功。

大承氣湯

大黃

酒洗二錢

厚朴

四錢

枳實

二錢五分

芒硝二錢

水三杯先煮枳實厚朴至一杯半去滓

內大黃煮取一杯去滓內硝更上微火一兩沸溫

服得下勿再服 生者氣銳而先行 熟者氣純而

和緩 仲景欲芒硝先化燥屎 大黃繼通地道 而後

枳朴去其痞滿 此本方之煎法也 若小承氣湯則

三味同煎 卽寓微和之意。

小承氣湯

大黃

四錢

厚朴

二錢

枳實

二錢

水二

杯煎八分温服初服當更衣不爾者再服若更衣
勿服 大承氣厚朴倍大黃是氣蔞爲君分煎取
其後來居上欲急下燥屎也小承氣大黃倍厚朴
是氣蔞爲臣同煎取其氣味渾勻欲微和胃氣也
燥堅痞滿大承氣枳朴硝黃共四味未硬去硝先探試
邪輕小實小承氣

調胃承氣湯

温温欲吐心下痛鬱鬱微煩胃氣傷甘草硝黃調胃劑
心煩腹脹熱蒸良

大黃 四錢 去皮清酒洗 炙草 三錢 芒硝 三錢 水二杯 先

煮大黃甘草取一杯去滓肉芒硝更上微火煮令沸少
少溫服之

熱淫於內治以鹹寒芒硝也火淫於內治以苦寒
大黃也。更佐以甘草緩硝黃留申泄熱非惡硝黃
傷胃而用之也。少少服之不使其速下而利也。
芒硝解結熱之邪。大承氣用之以解已結之熱。此
用之以解將結之熱。

附解

按張憲公云承者以卑承尊而無專成之義天尊地卑一形氣也形統於氣故地統於天形以承氣故地以承天胃土也坤之類也氣陽也乾之屬也胃爲十二經之長化糟粕運精微轉味出入而成傳化之府豈專以塊然之形亦惟承此乾行不息之氣耳湯名承氣確有取義非取順氣之義也憲公此解超出前人惜其所著傷寒類疏未刊行世憲公諱孝培古吳人也

陽明下篇

腑症雖有三。而陽明之辨所尤重。在能食爲胃強。不能食爲胃衰。大都能食者。皆可攻下。但有緩急之殊。惟是不能食者。乃有挾虛寒。挾結熱之不同。虛寒則食穀欲嘔。及乾嘔吐涎沫之症。宜吳茱萸湯溫之。結熱則腹滿不大便。譫語而脉濇者。當用蜜煎膽導。不得拘於腑病爲陽。槩用寒下。而禁用溫劑也。又有下利後。心下痞。腸鳴。乾嘔者。用甘草瀉心湯。以芍甘爲泄滿法。痰熱發黃。用茵陳蒿湯。從小便以逐穢法。不可不知也。

吳茱萸湯

陽明吐穀喜茱萸。羌棗人參却並驅。吐利踈煩手足冷。吐涎頭痛立殊功。

吳萸 泡人參 各二錢 生羌 四錢 大棗 三枚 水煎服

此方降濁陰。扶生氣。俾震坤合德。土木不害。

甘草瀉心瀉

下利腹鳴乾嘔痞。大棗芩連羌夏使。甘草瀉心湯合宜。泄滿降逆斯為美。

炙草 二錢 黃芩 乾羌 各一錢五分 半夏 一錢 黃連 五分

大棗 二枚 水煎服

茵陳蒿湯

黃如橘色腹微滿

頭汗齊頸而還

餘處無汗小便短三倍茵陳

梔大黃內外癍熱如洗鹽

茵陳 六錢 梔子 五枚 大黃 二錢

水三杯先煮茵陳至杯

半後入諸藥煮至八分溫服日三服小便當利尿如皂
莢汁色正赤一宿腹臧黃從小便去也

麻黃連豆湯散太陽無汗之黃若在太陽陽明之

間用梔子蘗皮湯以清火若在陽明之裏當用此

湯以逐穢

傷寒真方歌括卷三

聞長樂陳念祖修園著

治南林壽萱校

少陽上篇

提綱有口若咽乾目眩之症三者能既能合相火為害故病法當清火。

少陽主半表半裏寒熱相雜若邪在半表其寒熱往來於外宜以小柴胡湯解半表之虛邪以大柴胡湯解半表之實熱若邪在半裏其寒熱相搏於中則為嘔吐腹痛以黃連湯主之其寒熱互結於心下則為痞滿嘔逆以半夏瀉心湯主之其寒熱相阻於心下則為拒格入食出以乾姜黃芩黃連入參湯主之若邪全入於裏則膽

膽受病。膽火下攻於脾。而爲自利。有黃芩湯法。膽火上
逆於胃。利又兼嘔。有黃芩加半夏生薑湯法。此皆少陽
正治方法也。

蓋少陽爲樞。職司開合。而轉運其樞。全賴胃氣充滿。
則開合有權。其邪不能內犯。胃氣不振。則關鑰廢弛。
邪得出入矣。

小柴胡湯

脈弦脅痛。小柴胡。夏草。羌芩。參棗。扶和。解少陽爲正法。
陽明兼症。豈殊途。

柴胡 四錢

人參黃芩炙草生羌

各一錢五分

半夏二錢

大棗

二枚

水二杯煎一杯半去滓再煎八分溫服

此方以二劑合作一劑方稱原方三服之一今易作小劑徇時好也深於醫者必照古法不待余贅小陽介於兩陽之間須兼顧三經故葯不宜輕去渣再煎者此方乃和解之劑再煎則葯性和合能使經氣相融不復往來出入古聖不但用葯之妙其煎法具有精義

加減法

若胸中煩而不嘔者去半夏人參加枳

傷寒直方歌括卷三
姜二錢。若渴者去半夏。加人參五分。括萸根二錢。若腹中痛者去黃芩。加白芍藥一錢五分。若脇下痞鞭。去大棗。加牡蠣二錢。若心下悸。而小便不利者。去黃芩。加茯苓二錢。若不渴。外有微熱者。去人參。加桂枝一錢五分。溫覆取微似汗。○若欬者。去人參。大棗。生羌。加五味子七分。乾羌一錢。

大柴胡湯

脈弦而沉沉有力。相火結熱。下宜亟。芩芍棗夏枳柴羌。

大柴湯是小柴翼。

柴胡 四錢 半夏 黃芩 芍藥 枳實 各一錢五分 生薑 二錢五分

煎法同小柴胡湯。

此方本無大黃。所云結熱非實熱也。下解其熱非導其便也。小柴胡湯治半表之虛。此治半表之實。即小柴胡湯之翼也。今活人書每以此方代承氣湯。取大便微利。重在大黃畧變仲景之法。不可不知。

黃連湯

胸中有熱胃邪麗黃連甘草乾羌桂人參夏草理陰陽
嘔吐腹痛爲妙劑。

黃連炙草乾羌桂枝 各一錢五分。人參五分。半夏一錢。

大棗 二枚。水煎分二服日三夜二。

卽柴胡湯以桂枝易柴胡以黃連易黃芩以乾羌
易生羌此症雖無寒熱往來於外而有寒熱相搏
於中所以寒熱攻補並用仍不雜少陽和辦法也。
半夏瀉心湯

滿而不痛則爲痞心隔難開何所以夏草參連芩棗羌

宣通膠滯同歡喜。

半夏 三錢

黃芩 乾羌 炙草 人參

各一錢五分。

大棗 二枚

黃連

五分

水煎溫服。

乾羌 黃芩 黃連 人參 湯

厥陰寒格用乾羌。吐下芩連是所長。誤治致虛參可補。

分途施治不相妨。

人參 黃連 黃芩 乾羌

各一錢五分

水煎服。

入口即吐。是火炎之象。故苦寒倍於辛熱。但吐下
誤後。中外之氣索然。故以人參補其中氣。並以助

乾羌之辛。衝開格逆。而吐止食入矣。凡嘔家夾熱。不利於桔半者。服此方而晏如。

黃芩湯

黃芩湯用甘芍草。太陽少陽合病。計下利。只須用本方。

兼嘔羌夏加之好。

黃芩二錢。炙甘草芍藥各二錢。大棗三枚。水煎服。日二夜

一。

黃芩加半夏生羌湯。卽煎湯加半夏二錢。生羌三錢。煎服法同。

二陽合病邪入少陽之裏。膽火下攻於脾。故自下利。上

逆於胃。故兼嘔也。此湯苦甘相濟。調中以存陰也。兼嘔者。加半夏以降逆。生薑以散邪也。

少陽中篇

少陽雖有汗吐下三禁。而法中又有口不渴。身有微熱。

以微熱驗其表邪尚在。去人參加桂枝以取汗。傷寒六七日發

熱微惡寒。支節煩疼。微嘔。心下支結。支撐也。若有物支撐在胸脇間。外

症未去者。以柴胡桂枝湯汗之。下後胸結脇滿微結

小便不利。渴而不嘔。頭汗出。邪鬱於經不得外越。但升於頭而汗出也。往來

寒熱。用柴胡桂枝乾姜湯以汗之。又有柴胡症具而

反下之心下滿而鞭痛此為結胸。大陷胸湯主之。本柴胡症醫以丸藥下之微利胸脇滿而嘔日晡熱者小柴胡加芒硝湯下之。是汗下之法不可不審用也。

柴胡桂枝乾羌湯

寒熱往來頭汗出心煩胸脇滿而室柴芩羌蠓括樓甘花粉桂枝加減七。

柴胡 四錢 桂枝黃芩 各一錢五分 括蘆根 二錢 乾羌牡

蠓炙草 各一錢。水煎服。初服微炊。再服汗出而愈。

按本方用乾羌一以散脇之微結一以濟芩蘆之

苦寒使陰陽和而寒熱已也。

大陷胸湯 見太陽救誤篇

柴胡加芒硝湯

少陽邪入陽明府。日晡熱潮脇滿吐。甘夏參苓柴草羌。

芒硝加上病方愈。

柴胡 一錢二分。黃芩炙草生羌入參 各一錢。半夏 七分。

棗一枚。芒硝一錢。水煎後入芒硝。一二沸服。

按胸脇滿而嘔。少陽之邪正盛也。日晡所發潮

熱。陽明之熱已結也。本宜大柴胡兩解之。因以九

葯誤下強逼瀉糞胃氣大傷大柴胡中有大黃枳
寔之峻必不堪受不如小柴胡湯有入參甘草以
扶之也加芒硝者勝熱攻堅速下不停無傷胃氣
是以峻攻之葯爲補養法也

柴胡桂枝湯

太陽未罷少陽多支結煩疼寒熱過津液一通營衛治
小柴方內桂枝加

柴胡 二錢

黃芩 桂枝 芍葯 生羌

各 八分

人參

一錢五分

炙草

五分

棗 二枚

煎服

按此太陽邪輕少陽邪甚之方。故湯名以柴胡爲冠也。活人往往取代桂枝湯。看似變通。實亂仲景之法。余推活人所以取代之故。以論中有和其營衛。以通津液。後自愈十一字也。

少陽下篇

少陽失治。壞症最多。非有補天浴日手段。不足以語此。論云。傷寒八九日。下之胸滿煩驚。小便不利。譫語一身盡重。不可轉側也。柴胡加龍骨牡蠣湯主之。

柴胡加龍骨牡蠣湯

太陽誤下心煩驚譫語身沉水不行芩夏參枝柴羌棗
伏丹龍牡定神明。

柴胡、龍骨、牡蠣、生羌、人參、茯苓、鉛丹、黃芩、桂枝、半夏、各
一錢五分。大棗二枚。水煎入大黃二錢。二三沸溫服。

此乃正氣虛耗邪已入裏而復外擾三陽故現症
錯雜。葯亦隨症施治。真神化無方也。借治癩癩
症神效。

傳經發明

按宋元以後醫書皆謂邪從三陽傳入。俱是熱症

唯有下之一法。論中四逆。自通理中等方。俱爲直
中立法。何以謂之直中。謂不從三陽傳入。徑入三
陰之臟。唯有溫之一法。凡傳經俱爲熱症。寒邪有
直中而無傳經數百年來。相沿之說也。余向亦深
信其然。及臨症之久。則以爲不然。直中二字。傷寒
論雖無明文。而直中之病。則有之。有初病卽見三
陰寒症者。卽宜大溫之。有初病卽見三陰熱症者。
卽宜大涼之。大下之。是寒熱俱有直中也。世謂直
中皆爲寒症者。非也。有謂遞次傳入三陰。盡無寒

症者亦非也。蓋家熱二氣盛則從化。余揆其故則有二。一從病體而分。一從誤藥而變。何則人之形有厚薄。氣有盛衰。臟有寒無。所受之邪。每從其人之臟氣而爲熱化寒化。今試譬之於酒。酒取諸水泉。寒物也。酒釀以麴。葯又熱物也。陽藏之人過飲之不覺其寒。第覺其熱。熱性迅發。則吐血面瘡。諸熱症作矣。陰藏之人過飲之不覺其熱。但覺其寒。寒性凝滯。則停飲腹脹。泄瀉諸寒症作疾。如此愈知寒熱之化。由病人之體而分也。何謂誤藥而變。

凡汗下失宜。過之則傷正。而虛其陽。不及則熱熾。而傷其陰。虛其陽。則從少陰。陰化之症。多以太陽少陰相表裏也。傷其陰。則從陽明。陽化之症。多以太陽陽明遞相傳也。所謂寒化熱化。由誤治而變者。此也。至云寒邪不相傳。更爲不經之說。仲景云。下利腹脹滿。身體疼痛者。先溫其裏。乃攻其表。溫裏宜四逆湯。攻表宜桂枝湯。主之。此三陽陽邪傳入三陰。邪從陰化之寒症也。如少陰症。下利白通湯。主之。此太陽寒邪傳入少陰之寒症也。如下利。

清穀裏寒外熱汗出而厥者通脈四逆湯主之此
少陰寒邪傳入厥陰之寒症也。誰謂陰不相傳無
陽從陰化之理乎。

傷寒真方歌括卷三終

傷寒真方歌括卷四

閩長樂陳念祖修園著

治南林壽萱校

太陰全篇方法

太陰爲濕土。純陰之臟也。故病一入太陰。邪從陰化者。多從陽化者少。從陰化者。如論中腹滿吐食。自利不渴。手足自溫。時腹自痛。宜四逆湯。理中湯之類。主之。從陽化者。如論中發汗不解。腹滿痛者。急下之。宜大承氣湯。腹時痛者。桂枝加芍藥湯。大實痛者。桂枝加大黃湯是也。

理中圓及湯

理中白朮草羌參益氣驅寒走太陰只取中焦交上下
辛甘相輔意殊深

人參白朮乾羌炙草各等未爲末蜜丸如雞子黃大以

沸湯和一九碎溫服之日三四服腹中未熱益至三四
九服後如食頃啜粥然九不及湯又以四味切片作湯
服之

參草甘以和陰羌朮辛以和陽辛甘相輔以處中上交
於陽下交於陰陰陽和順而百病愈矣

若臍上築者腎氣也去禾加官桂吐多者去朮

加生羌下多者還用朮悸者加茯苓渴欲飲

水者加朮腹中痛者加人參寒者加乾羌腹

滿者加附子

桂枝加芍藥湯 桂枝湯加芍藥一倍 倍芍藥

者能監桂枝深入陰分升舉誤下之邪出於陽分

而腹痛自愈

桂枝加大黃湯 桂枝湯加芍藥一倍大黃七分

倍芍藥者苦以泄其堅加大黃者通以導其滯也

傷寒真方歌括卷四終
腹痛桂枝倍芍藥。大黃枳實更加酌。病從太陽誤下來。仍用太陽方斟酌。

四逆湯

大承氣湯

蓋脾與胃全處腹中。腹痛腹滿兩皆有之。然腹滿為太陰病。心下滿為陽明病。其陽明亦有腹滿者。但陽明腹滿與熱同化。兼有潮熱自汗不大便之症。不似太陰與濕同化。兼有發黃暴煩下利穢腐之症也。

傷寒真方歌括卷四終

傷寒真方歌括卷五

閩長樂陳念祖修園著

東冶林壽萱校

少陰症全篇

論云少陰之爲病，脉微細，但欲寐

也只此二句爲提綱，此篇則分析而言之

少陰腎經。水火之臟。邪傷其經。隨人寔虛。或從水化而爲寒。或從火化而爲熱。水化爲陰寒之邪。是其本也。火化爲陽熱之邪。是其標也。陰邪其脉沉細而微。陽邪其脉沉細而數。至其見証亦各有別。陰邪但欲寐。身無熱。陽邪雖欲寐。則多心煩。陰邪背惡寒。口中和。陽邪背惡

寒口中燥陰邪咽痛不腫陽邪咽痛則腫陰邪腹痛下
利清穀陽邪腹痛下利清水或純青色或便膿血也陰
邪外熱面色赤裏寒大便利小便白陽邪外寒手足厥
裏熱大便秘小便赤此少陰標本寒熱之脈症也凡從
本之治初宜溫寒回陽從標之治切宜攻熱救陰其机
甚微總在臨症詳究辨別標本寒熱以急施其治庶克
有濟稍緩則不及矣

從太醫院使編訂

少陰症有化寒化熱兩途施治不外回陽救陰二法人

周知之矣。而抑知回陽之中而有兼汗兼濕之異乎。論云。少陰病始得之。反發熱。麻黃附子細辛湯主之。又云。少陰病得之二三日。麻黃附子甘草湯微發汗。以二三日無裏症。故發汗也。蓋二症俱以少陰而得太陽之熱。故用麻黃以發汗。因二症之脈俱沉。用附子以固腎。腎固則津液內守。汗不傷陰。一合細辛。猶麻黃湯急汗之峻劑。一合甘草。猶桂枝緩汗之和劑也。至于嘔逆腹痛。小便不利。用真武湯。背惡寒。用附子湯。晝日煩燥。夜而安靜。用羌附湯。四肢逆冷。用四逆湯。四肢逆冷而脈細。

欲絕用通脈四逆湯吐利雖止汗出而厥四肢拘急脈
微欲絕者用通脈四逆加豬膽汁湯下利脈微用白通
湯利不止厥逆無脈乾嘔煩者用白通加人尿豬膽汁
湯吐利手足逆冷煩燥欲死者用吳茱萸湯惡寒脈微
而利利止者亡血也用四逆加入參湯汗下之後病仍
不解煩燥者用茯苓四逆湯已上諸方溫而兼補皆所
以回陽也抑又知救陰之中更有補正攻邪之別乎如
咽痛用甘草湯桔梗湯半夏散及湯苦酒湯豬膚湯心
煩不卧用黃連阿膠湯不眠煩渴小便短赤用豬苓湯

陽邪傷陰。陰傷不能接陽。爲四肢逆冷。用四逆散。下利膿血。用桃花湯。皆救陰中之補正劑也。如口燥咽乾。宜急下之。自利清水。色純青。心下必痛。口乾燥者。可下之。六七日。腹脹不大便者。急下之。凡日急者。不可緩之。須臾致邪火燦乾津液而死。以大承氣湯主之。此皆救陰中之攻邪劑也。

麻黃附子細辛湯。

麻黃細辛

各二錢

附子一錢

水煎麻黃去沫。入諸葯同煎。溫服。

時師細辛只用一錢。

麻黃附子甘草湯

卽前方去附子。加炙草二錢。

發熱脉遲屬少陰。麻黃附子細辛。細辛不用加甘草。
溫腎驅寒用意深。二症俱發熱。故俱用麻黃以發汗。
脉俱沉。故俱用附子以固腎。腎固則津液內守。汗
不傷陰。一合細辛。猶麻黃湯急汗之法。一合甘草。
猶桂枝湯緩汗之法也。

真武湯

腹痛肢疼。欬嘔。此方真武推神守。茯苓芍朮附子。羌
燠土。鎮水各入扣。

茯苓芍藥生羌 各三錢
白朮二錢
附子一錢
水煎服

附子壯元陽。則水有所主。白朮建土氣。則水有所制。合芍藥之苦以降之。茯苓之淡以泄之。生羌之辛以行之。總使水歸其壑。今人以行水之劑。自爲溫補之劑。誤矣。

若嗽者。加五味子一錢。乾羌細辛各五分。時法去生羌。若小便利者。去茯苓。若下利。去芍藥。加乾羌二錢。若嘔者。去附子。倍加生羌。

附子湯

口和脈細。背憎寒。火炙關元卽刻安。芍藥人參苓朮附。

身疼肢冷是神仙。

附子人參 各二錢 茯苓芍藥 各三錢 白朮 四錢 水二杯

煎八分温服

此湯葯品與真武相當。唯生熟分兩各異。其補陽鎮陰。只在一味轉旋。學者所當深心體會。

乾羌附子湯

晝而煩燥屬陽虛。陽虛有二。有喜陽者。有畏陽者。大抵陰赤虛者畏陽。陰不虛者喜陽。此因

下後陰亦虛。故反畏陽也。脈見沉微。誤下餘。下後豈容更發汗。乾羌

附子補偏歟。

乾羌附子各三錢水煎服

余於活人百問煩燥症中注此方下。陰盛偏安於陰分。故夜而安靜。何相反至是。而不知此言陰虛者。言吾身真陰之虛也。彼言陰盛者。言陰寒之氣盛也。陰陽二字各有所指。

回逆湯

四逆羌附君甘草除陰回陽爲至寶。徹上徹下行諸經。二陰一陽隨搜討。

炙草二錢 乾羌一錢五分 附子生用一錢 水一杯半煎

八分服

生附子乾羌徹上徹下開闢羣陰迎陽歸舍交接
十二經為斬旗奪關之良將而以甘草主之者從
容籌畫自有將將之能也

此方少陰用以扶元海之陽太陰用以溫藏中之
寒厥陰薄厥陰欲立亡非此不救至于太陽誤汗
亡陽亦用之

通脈四逆湯即四逆湯倍用乾羌

通脈四逆加猪膽汁方 即前方煎成入猪胆汁

九茶匙

時法以黃連二分研末代之

四逆倍羌名通脈疾呼外陽歸其宅。更加猪胆汁些微。藉其苦寒通拒格。

名通脈者。以此時生氣已離。亡在頃刻。若以柔緩之甘草爲君。豈能疾呼外陽而使返耶。故易以乾羌。而仍不減甘草者。恐散渙之餘。不能當乾羌之猛。還藉甘草以收全功也。後方加猪胆汁者。速陽蒞下行。

加減法 面赤者、加連鬚葱三莖、腹痛者、去葱加

芍藥二錢。嘔者加生羌二錢。咽痛去芍加桔梗一錢。利止脈不出者去桔梗加入參二錢。

白通湯

乾羌附子

各三錢

葱白

二莖每莖約二寸半

水二杯煎八分溫服

羌附燥腎之所苦。須藉葱白之辛以通之。葱白

通上焦之陽。下交於腎。附子啟下焦之陽。上承於

心。乾羌溫中土之陽。以通上下。上下交。水火濟。利

自止矣。

白通加豬胆汁湯

卽白通湯。入人尿十五茶匙。

猪胆汁七茶匙。令相得温服。寒盛格熱。當用監

制之法。人尿之鹹。勝諸胆汁之苦。猪胆汁之苦。勝

羌附之辛。辛受制於鹹。苦則鹹。苦爲之。向導。便能

下入於少陰。俾冷性消而熱性發。其功乃成。又爲

外護法也。

少陰下利。白通湯。無脉。嘔煩。胆汁將葱白入陰通否隔。

回陽附子與乾羌。

吳茱萸湯見陽明。

四逆加人參湯。

脈微而利更增寒。利止血亡氣亦殘。四逆湯中參速配。
重生津液漸恬安。卽四逆湯加人參一錢。

茯苓四逆湯

煩燥轉增汗下後。真陽擾越勢難救。四逆加參重茯苓。
症類梔豉須互究。卽四逆湯加人參一錢茯苓六錢。

此爲汗下之後厥悸不愈。忽增煩燥爲水氣凌心。
之症。然必參以他症。方不誤認爲梔子豉湯症。
甘草湯。甘草六錢。水三杯。煎一杯。分兩次服。

桔梗湯

卽前方加桔梗三

緩以甘草開桔梗少陰客熱不須猛咽痛分合先後宜
淡而不厭須靜領

半夏散及湯

陰火攻咽必挾痰風邪內薄勢相忝桂枝半夏及甘草
經訓當遵及妄談

半夏桂枝炙草各等分爲末白飲和服三錢日三服不
能復散者水煮七沸入散三錢更煎三沸少冷少少
之

本經半夏治咽喉腫痛桂枝治喉痺此乃咽喉之

主葯。後人以二味爲禁葯何也。

苦酒湯

少陰咽痛且生瘡。半夏雞清苦酒湯。滌飲消瘡除伏熱。發聲潤燥有專長。

半夏洗棗核大七放。初作十四片。雞子黃一隻去黃內。半夏著苦酒中。以雞子殼置刀環中。安火上。令二沸。去滓。少少含嚥之。不差再服。

猪膚湯

利餘咽痛用猪膚。蜜粉和中助轉輸。蠱主腎經膚主肺。

誰將妙諦反三隅。

猪膚四兩。水七杯。煮三杯。入白蜜七錢。米粉四錢。熬香。分二三服。

少陰之脉循喉嚨挾舌本。少陰二三日咽痛。是陰火上冲。可與甘草湯。甘涼瀉火以緩其熱。不瘥者。配以桔梗。兼辛以散之。之義也。至下利咽痛。是腎液下泄。不能上濡於肺。絡燥而爲咽痛者。又非甘桔所能治。當以猪膚潤肺。腎白粉白蜜緩之於中。而上中下之燥邪解矣。此三方爲正治之輕劑也。

若陰症似陽惡寒而欲吐者。又非甘桔所能療。當用半夏之辛溫散其上逆之寒。桂枝之甘溫散其陰寒之氣。或散或湯。隨病人之意也。如喉痛且傷生瘡。不能言語者。不得卽認爲熱症。仍取半夏之辛以豁痰。苦酒之酸以斂瘡。雞子白之清以發聲。少少含嚥。內外兼治之法也。若夫裏寒外熱。手足厥逆。咽痛。用四逆湯。詳於本方之下。宜合參之。

黃連阿膠湯

心煩不臥。主阿膠。雞子芩連芍藥交。邪入少陰從熱化。

攻離交媾在中爻

黃連 二錢 黃芩 五分 芍藥 一錢 阿膠 一錢五分 雞子黃

一枚 水一杯半煎八分去滓入阿膠盡小冷入雞子黃

攪勻溫服日三服

猪苓湯見陽明

四逆散

陽邪傷陰亦四逆枳實芍草攻和策四逆四肢逆冷也

泄之熱邪傷陰陰為陽傷不接陽和其樞紐柴專責枳寔

枳實芍藥柴胡參草各一兩為末白飲和服日二

三服

欬者加五味乾羌各兩半并主下利 悸者加桂
枝五錢 小便不利者加茯苓五錢 腹中痛者
加附子炮半枚 泄利下重者先濃煎薤白湯內
藥三錢再煎一二沸溫服

桃花湯

少陰下利便膿血 粳米乾羌赤脂啜 陽明截住

石脂入
手陽明

羌米入 足陽明 腎亦安 腹痛尿短病如撤

赤石脂一兩六錢 留少許篩末 乾羌一錢 粳米四錢 水

四杯煎二杯。入赤脂末方寸七分。兩服若一服。愈餘勿服。

此是手足陽明。感少陰君火。熱化太過。閉藏失職。開闔盡撤。緩則亡陰。故只繼陽明之道路。利止而腎亦安。

大承氣湯見陽明

傷寒真方歌括卷五

謝安嘗大醉時嘗在

大雪中散其屐履

習者

謝安嘗大醉時嘗在

大雪中散其屐履

習者

謝安嘗大醉時嘗在

傷寒真方歌括卷六

閩長樂陳念祖修園著

東冶林壽萱校

厥陰全篇

厥陰之為病。消渴。氣上撞心。心中疼熱。饑而不欲食。食

則吐。衄下之利不止。論云
總綱

厥陰、陰盡陽生之藏。與少陽為表裏者也。故其為病。陰

陽錯雜。寒熱混淆。邪至其經。從化各異。若其人素偏於

熱。則邪從陽化。故消渴。氣上衝心。心中疼。口爛。咽痛。喉

痺。喉癰。便血。等陽症見矣。大法用烏梅丸。苦寒之中。雜

以溫補之品。以治其本。而厥深熱亦深。必用大小承氣湯。厥微熱亦微。只用四逆散。下利後重者。必白頭翁湯。非一於苦寒者。不能勝之也。若其人素偏於寒。則邪從陰化。故手足厥冷。脈微欲絕。膚冷藏厥。下利陰中。等陰症見矣。大法以四逆湯通脈。四逆湯爲主。不可雜以苦寒之品。以掣其肘也。如初起手足厥寒。脈細欲絕。以厥陰之藏。相火遊行其間。不遽用羌附之熱。只用當歸四逆湯和之。內有久寒。再加生羌。吳萸以溫之。如乾嘔吐涎沫。吳茱萸湯主之。若夫烏梅丸溫補之中。加以苦寒。

乃治寒以熱。涼而行之之意。最得厥陰之和法。蓋厥陰所重。在護其生氣。不專參朮之補。羌附之熱。與火陰少陰不同也。

少陽不解。傳變厥陰而病危。厥陰病衰。轉屬少陽爲欲愈。陰陽消長。大伏危机。

厥陰爲乙木。性宜沉。木中有火。沉則火下守。而腎水溫。升則火上撞。則腎水寒。論云。消渴。心中疼熱。皆火升之病也。論云。飢不能食。食則吐衄。皆腎水寒。胃氣因而不煖。致木氣肆逆於胃口。則不食。木盛生風。則生蟲也。論

傷寒直方歌 卷六
云下之利不止。亦腎中寒。而不能閉納也。此經爲病。陰陽錯雜。唯烏梅丸可以統治之。

合參

厥陰。木中有火。此火爲陰火。故有時而下。有時而上。厥爲陰。陰氣下行極而上。則發熱矣。熱爲陽。陽氣上行極而下。則又厥矣。調和於二者之間。功在安胃。故烏梅丸蒸於飯上。佐以人參。下以白飲。皆安胃之意。

程云。他症發熱時不復厥。發厥時不復熱。蓋陰陽互爲往復也。唯此症孤陽搽其勝勢。厥自厥。熱自熱。厥深則

熱亦深。厥微則熱亦微。而發熱中兼夾煩渴。下利之裏
症。總由陽陷於內。菟其陰於外。而不相接也。烏梅丸
中細辛一味最妙。烏梅丸破陰以行陽於酸辛入肝
蕝中微加苦寒。納逆上之陽邪。順之使下。爲厥陰症之
總方。

勝復之機。操自胃氣。胃氣熱者。陰當復而不復。則爲厥
深。熱深之症。胃氣寒者。陽當復而不能復。則爲膚冷藏
厥之症。

烏梅丸

烏梅丸內藥連羌。參桂椒辛歸附當。寒熱散收相互用。
厥陰得此定安康。

烏梅 丸十三枚。乾羌 一兩。當歸 四錢。黃連 一兩六錢。蜀

椒 四錢炒。桂枝人參黃蘗附子細辛 各六錢。各研末以

苦酒浸烏梅一宿。去核飯上蒸之。搗成泥。和蘗令相得。
入煉蜜共搗于下。丸如桐子大。先飲食。白飲和服十九。
日三服。漸加至二十九。

內經云、伏其所主。先其所因。或收或散。或逆或從。
隨所利而行之。調其中氣使之和平。此方深得經

旨為厥陰病之總法。

白頭翁湯

白頭翁主厥陰利。下重。喜水。津耗。類。連蘗。秦皮。四味煎。

堅下兼平中熱熾。

白頭翁 一錢 黃蘗 黃連 秦皮 各一錢五分 水煎服不愈

更作一服。

大寒以清中熱。故治欲飲水。大苦以堅下焦。故止

下利。

承氣湯見陽明

四逆散四逆湯通脈四逆湯俱見少陰。

當歸四逆湯 當歸芍藥桂枝細辛 各一錢五分

炙草木通 各一錢 大棗 四枚 水煎溫服 此方之

多用大棗。卽建中湯之重用膠飴意也。時法用

此方倍加當歸。細辛只用一錢。

當歸四逆加吳萸生羌湯 卽前方加吳萸泡二

錢。生羌四錢。酒水各半杯。煎溫服。

當歸四逆甘通草桂芍細辛併大棗通脈養血此爲神。

素寒加入羌萸好。

吳茱萸湯見陽明

乾姜黃芩黃連人參湯見少陽

白虎湯見太陽

厥陰續篇

厥陰有用吐法者論云手足厥冷脈乍緊者邪在胸中
心下滿而煩飢不能食者病在胸中須當吐之宜瓜蒂
散有用利水法者論云厥而心下悸者宜先治水當
服茯苓甘草湯却治其厥不爾水漬其胃必作利也
有熱厥下後之危症者論云傷寒六七日大下後寸脈

沉而遲 脾肺陽氣下陷也

手足厥冷 下部脈不至

肝家之陰亦復衰竭陰家

不相順接以故手足為之厥冷也

咽喉不利 唾膿血

厥陰之筋貫膈上法師循喉嚨之後

下後亡津液遂成肺痿

泄利不止者為難治

陽氣下陷於陰分陰分衰弱故難治

麻黃升麻湯主之

升陽和陰潤肺補脾調肝冀成萬一之功

瓜蒂散

胸中痞鞭寸微浮氣上衝分熱忤流小豈勻平瓜蒂散

稀糜承載出咽喉

瓜蒂赤小豆各等分為末取二錢以香豉一撮用熱湯

煮作稀糜和藥散服之不吐者少少加得快吐乃止諸

亡血家不可與之。

茯苓甘草湯

見太陽篇

麻黃升麻湯

邪深陽陷脉沉遲羌朮麻黃升桂枝歸芍天冬苓石草

萎蕤潤肺佐苓知

麻黃二錢五分

升麻當歸各一錢

知母黃芩萎各五分

白朮石膏乾羌芍藥天冬桂枝茯苓甘草冬三錢先煮

麻黃去沫復人諸藥煎服

陰陽陽差後勞復病方法

論云、傷寒陰陽易之為病。其人身體重。少氣。少腹裏急。或引陰中拘攣。熱上衝胸。頭重不欲舉。眼中生花。膝脛拘急者。燒視散主之。

論云、大病差後。勞復者。枳實梔子湯主之。

時醫必用補中益氣湯。誤

人若有宿食者。加大黃如博棋子大五六枚。

論云、傷寒差已後。更發熱者。小柴胡湯主之。

不因勞食而更勞食。

者。此半表半裏之間。有留邪也。故用小柴胡湯。湯中有人參以扶正氣。去餘邪。乃和解法也。是熱發以汗解之。脈沉實者。是熱發以下解之。

有重感脈浮是

脈沉實是

飲食失昂

論云大病差後從腰已下有水氣者牡蠣澤瀉散主之

後人用五苓去桂加牡蠣海藻甚穩

論云大病差後喜睡久不了了者胃中有寒當以丸藥

溫之不可用湯藥驟補宜理中丸

論云傷寒解後虛羸少氣氣逆欲吐者竹葉石膏湯主

之

新補論云傷寒脈結代心動悸炙甘草湯主之

愚按人身天真之氣全在胃口津液不足即是虛生

津液卽是補虛。仲師以竹葉石膏湯治傷寒解後虛。羸少氣。以甘寒爲主。以滋津爲佐。是善後第一治法。余以炙甘草湯與六經症亦不甚合。想亦是旣愈善後之計。論云傷寒脈結代。氣血兩虛。經隧不通。陰陽而不能自還。爲代。心動悸。發汗過多。血虛。故緩時一止。爲結止。此以滋津爲主。甘寒爲佐。後人不知以參耆朮苓桂附歸熟之類。溫補之。寧不併餘邪餘熱留之爲害乎。張子和謂大病後養以五穀五菜卽是補法。不用參朮雞羊等。助其餘熱致病。誠見道之言也。

燒視散

傷寒何謂陰陽易病。瘥交接餘熱客。方用陰前焫燒灰。求其所屬治其劇。

取婦人視近前陰剪燒灰爲末。水和服一二錢。小便利陰頭腫卽愈。婦人病用男子視。

牡蠣澤瀉散

病後士衰下部腫。括萎、牡蠣、澤瀉、蜀苧、禹商根、海藻、泄虛邪。熱撤水消方不恐。牡蠣、括萎、根、蜀苧、蔴子、商陸、海藻各等分爲末。白湯

和。一。錢。五。分。小。便。利。止。後。服。日。三。服。

商。陸。水。煎。服。殺。人。故。用。散。

竹。葉。石。膏。湯。

解。後。虛。羸。尚。欲。吐。人。參。粳。米。炙。甘。護。麥。冬。半。夏。竹。葉。膏。

消。熱。解。煩。胃。氣。布。

石。膏。八。錢。半。夏。二。錢。人。參。一。錢。五。分。炙。草。一。錢。麥。冬。三。

錢。粳。米。四。錢。竹。葉。二。十。一。片。水。三。杯。煎。一。杯。半。去。滓。內。

米。煮。半。熟。湯。成。去。米。溫。服。日。三。服。

滋。養。肺。胃。之。陰。氣。以。復。津。液。此。仲。景。治。傷。寒。愈。後。

調養才也。後之庸醫溫補脾胃。大違聖訓。

枳寔梔子湯

勞復勞熱多停滯。枳寔山梔同豆豉水。取清漿先後煎。按之若痛。大黃煮。

枳寔 二錢 梔子 五枚 豆豉 一握 先以清漿水三杯空煮

至二杯內。枳寔梔子煎至一杯。內豉煮五六沸。服。覆以微汗。若有宿食。內大黃一錢五分同煎。

漿水卽淘米之泔水。久貯味酸爲佳。

小柴胡湯見少陽

理中湯見太陰

炙甘草湯

益虛參麥炙甘草。和謂桂枝羌麥好。生地阿膠麻子仁。結成心悸此方寶。

炙草 二錢 桂枝 生羌 各一錢五分 人參 一錢 麥冬 大麻

仁 各二錢五分 阿膠 二錢 地黄 八錢 大棗 二杯 水 二杯

清酒 一杯 煎八分 入膠烱溫服。

此仲景另開一補陰之門。疑為邪盡正虛。病後補養之法。與竹葉石膏湯為一寒之溫之對子。

附錄魏念庭先生傷寒論跋語

六經既叙。仍得而彙言之。先言表裏之義。三陽固為表。而太陽非表之表乎。少陽非表中之半表裏乎。三陰固為裏。而太陰非裏之表乎。少陰非裏之半表裏乎。厥陰非裏中之裏乎。再言經與藏府之表裏。太陽經與膀胱也。陽明經與胃府也。少陽經與胆府也。非表中之表裏乎。太陰經與脾藏也。少陰經與腎藏也。厥陰經與肝藏也。非裏中之表裏乎。表裏之義得而汗下之法可明矣。在表具可汗。是陰經可汗也。在裏具可下。是陽經可下

傷寒真方歌括

卷六

十一

也。請再言其升降之義。人之一身。胸膈居上。心居中之。上腹居中之下。少腹更在下。邪在上則越之可也。邪在上之中則瀉之可也。邪在中之下下之可也。邪在下瀉之可也。越者升而散之也。瀉者徐而滌之也。下者攻而除之也。洩者就勢而推致之也。故除發汗解肌治表之外。又有瀉心諸方。以瀉中上之邪。有承氣諸方。以下中下之邪。有抵當等湯。以瀉少腹在下之邪。外有和解一方。以治半表裏之邪。皆審邪之所在。順邪之性。而治之也。俱不外升降之義也。請再言寒熱虛實之辨。正實則

邪必虛。正虛則邪必寔。其常也。正虛而邪亦虛。正實而邪亦實。其變也。治其邪實而必不妨於正。治其正虛而必無助乎邪。方爲善治也。熱則脈証具。熱寒則脈証具。寒其真也。熱而脈証似寒。寒而脈証似熱。其假也。治其熱而必兼顧其陽。治其寒而必兼顧其陰。方爲妙法也。其間有寒熱錯雜之邪爲患者。則又有寒熱錯雜之治。而救陰救陽之理。愈可明矣。陰盛而陽衰。必馴至有陰而無陽。此扶陽抑陰。應圖之于早也。陽盛而陰衰。必漸成亢陽而亡陰。此濟陰和陽。應識之于預也。陽無而陰

不獨存陰亡而陽不孤立。相維則生。相離則死。此又陰陽不可偏勝之大綱也。明乎此。則傷寒論六經之理已盡。而凡病具可引伸觸類。其理無盡矣。此余之所以再爲伸言也乎。

先生著傷寒本義。字櫛句比。極見苦心。每卷中俱有獨得之言。以補前人所未及。余最擊賞。惜其刻意求新。不無偏處。遠稽博採。不無泛處。守方氏傷寒傷風風寒兩感之說。不能正其訛。徇時俗傳經爲熱直中爲寒之說。不能辨其非。更爲執一不通。

至于駁雜處。矛盾處。附會處。不一而足。總屬好高之過也。獨此篇跋語。寥寥數語。伸師之全論。包括無遺。且能于全論中引而不發之意。一一闡出。與柯韻伯先生論翼不謀而合。而爽朗過之。真不厭百回讀也。余于傷寒三注中。取舊歌若干首。十改其七。分配六經。各立方例。每方詳註其所以然之妙。事峻錄先生此跋以殿之。蓋以先生學問素高。此篇更另出手眼。疑有神助。卽余自作。亦不是過也。未知海內諸君子。原余之掠美否。修園陳念祖

